

Frühjahrsputz und =tratsch

Die Märzsonne scheint ins Zimmer,
da dun die Sonnestäubli flimmer.
Die Hausfraa guckt se aa un stutzt,
jetzt wern die Fenster glei geputzt.
Die Bette raus, die Spinnweb weg,
o weh, da gits do recht viel Dreck!
Die Möwel vor, die Teppich raus,
gewischt un gschrubbt werds ganze raus.
wenn abgschtauw is un alles blitzt,
se aweds müd' vorm Fernseh sitzt
un meent, der Mensch muß gselli sei,
etz lad i mei Bekannte ei.
No ja, die komme alle gern,
doch erscht muß was gebacke wern.
Soweit is alles guat gerate,
bloß e Biscuit erleid en Schade.
Doch der Kaffee is eingermaße,
da wern die Gäst'all reigelasse.
wos Neues gitt, werd erscht verzählt,
un dann werd vorsichti gewählt,
Der Küche schmeckt- un mit Bedacht
gitt jedi uff ihr Linie acht.
No, liewi Bas, wie gett dersch denn?"
Un jedi dud ihr Krankheit nenn.
Dann dausche se rezepte aus
un rücke mit Probleme raus.
E jedi louwt ihrn Ehemann,
etzt komme no die Kinner dran.
Am Schluß, wenn alles dorchprobiert,
werd no e weng politisiert.-
wär gor nix ratscht, no dem sei Seele
gleich ganz bestimmt är Käuwerhöhle!-